

Visoki predstavnik donio izmjene na Zakon o policijskim službenicima

Nakon zahtjeva koji je uputio premijer Adnan Terzić, visoki predstavnik Paddy Ashdown donio je Odluku kojom se mijenja Zakon o policijskim službenicima Bosne i Hercegovine. Ova izmjena tehničkog karaktera osigurat će da policijsko iskustvo – a ne općenito radno iskustvo – predstavlja relevantni kriterij za dodjelu činova policijskim službenicima.

Po donošenju ove izmjene, Ministarstvo sigurnosti mora usvojiti podzakonski akt o ponovnoj dodjeli činova koji je u skladu sa Zakonom o policijskim službenicima, uključujući i današnju izmjenu. Ovim će se Državnoj graničnoj službi i agenciji SIPA omogućiti da započnu dosta zakašnjeli proces ponovne dodjele činova, te da se u skladu s tim odrede plate policijskih kadrova.